

玉機微義卷之四下

癰風門

○叙癰風爲病

內經曰。風氣與太陽行諸脉俞。散於分肉之間。與衛氣相干。其道不利。故使肌肉腫脹。而有瘍。衛氣有所凝而不行。故其肉有不仁也。癰者有榮衛熱附。其氣不清。故使鼻柱壞而色敗。皮膚瘍潰。風寒客於脉而不去。名曰癰風。

○癰風治法

內經云。病大風。骨節重。髮眉墮。名曰大風。刺肌肉爲故。汗出百日。王注。泄衛氣之怫熱。刺骨髓。汗出百日。

泄榮氣之怫熱。凡二百日鬚眉生而止針。怫熱屏退。陰氣內復。故多汗出鬚眉生也。

靈樞云。癰風者。數刺其腫上。已刺以銳針針其處。按出其惡氣。腫盡乃止。常食方食。勿食他食。以犯其病。

○論癰風屬肺生虫屬木皆血熱之病

病機云。內經云。脉風成爲癰。俗云癰病也。先樺皮散。從小至多服五七日。灸承漿穴七壯。灸瘡輕再灸。瘡愈三灸之。後服二聖散。泄熱祛血中之風邪。戒房室三年。病愈。藥灸同止。述類象形。此治肺風之法也。然此疾非止肺臟有之。以其病發於鼻。俗呼爲肺風也。鼻腫準赤脹大而爲瘡。乃血隨氣化也。氣既不施。則

血爲之聚。血既聚則使肉爛而生虫也。生虫者厥陰主之。厥陰爲風木。主生五虫。蓋三焦相火熱甚而制金。金衰故木來尅侮。宜瀉火熱利氣之劑。虫自不生也。故此疾血熱明矣。當以藥緩疎泄之。煎局方升麻湯。下錢氏瀉青丸。餘病各隨經治。

按癘風。皮毛血脉先受病。二者屬榮衛所主。故言肺風。至於肉壞生虫。又陽明厥陰所屬。故其用藥皆疎泄肺氣。祛逐血分之邪熱。其灸承漿一穴。乃陽明任脉之會。所以宣通血脉以散風也。

○論癘風宜汗宜下宜出血

子和書云。內經論癘針二百日。眉毛再生。針同發汗。

也。但無藥者用針。一汗可抵千針。故高供奉嘗採萍
治癰瘰。風出汗。張主簿病癰十餘年。戴人曰。足有汗
者可治之。當發汗。其汗出當臭。其涎當腥。乃置燠室
中。以三聖散吐之。汗出周身。如卧水中。其汗果臭。痰
皆腥如魚涎。足心微有汗。次以舟車丸。瀋川散。下五
七行。如此數次。乃瘳。又一人病風。面黑。爬搔不已。眉
毛脫落。刺其面。大出血如墨。刺三次。血變色。每刺自
額至頤。排針上下俱刺。每隔日一刺。至二十餘日方
已。

按此論內經用針同發汗。至於出血亦同汗也。但
癰證在經在表。故宜針宜汗。有惡血留滯。故宜出

血或於腫上。或於委中皆可也。又腸胃有穢惡。卑積故宜下。大抵皆宜泄。表裏血氣邪熱之毒也。

○論癘風所因

三因之經所載癘風。即風論所謂惡疾是也。雖名曰風。未必皆因風。大率多嗜慾勞動。氣血熱發汗泄。不避邪風。冷濕。使淫氣與衛氣相搏。致肌肉皮膚瘍潰。鼻梁塌壞。千金所謂自作不仁。極猥之業。雖有悔言。而無悔心。良得其情。然亦有傳染者。原其所因。皆不內外涉。外疳因而成也。治之須推其所因。凡因風寒濕熱。兼勞役飲食。與夫傳染。穎然不同。若例以瀉風藥治之。則失矣。

按此云雖名曰風未必皆因風此論固善蓋此疾多由嗜慾飲食積毒之所致因其病證穢惡可畏又不可不謂之風也若夫傳染之說世或有之雖因其一家血脉飲食居處氣味之相傳者本無內熱積毒亦不能染也

○論大風有上下之分

丹溪云大風病是受得天地間殺物之風古人謂之癘風以其酷烈暴悍可畏爾人得之者須分在上在下夫在上者以醉仙散取臭涎惡血於齒縫中出在下者以通天再造散取惡物陳虫於穀道中出所出雖有上下道路之異然皆不外乎陽明一經治此病

者。須知此意。看其疔瘡。與瘡。上先見者。上體多者在
上也。下先見者。下體多者在下也。上下同得者。在上
復在下也。陽明經。胃與大腸也。無物不受。此風之入
入也。氣受之。則在上多。血受之。則在下多。血氣俱受
者。甚重。自非醫者有神。病者有鉄心。罕有免者。夫或
從上。或從下。以漸而來者。皆可治。病人見其病勢之
緩多。忽之。雖按此法。施治病已。全然脫體。若不能絕
味絕色。皆不免再發。則終於不救矣。某曾治五人矣。
中間唯一婦人得免。以其貧甚。無物可吃也。餘四人
三兩年後。皆再發。孫真人曰。吾嘗治四五百人。終無
一人免於死。非孫真人之不能治也。蓋無一人能守

禁忌耳。此一婦治本病外。又是千餘貼。加減四物湯。半年之上。方得月經行而十分安全。

謹按癘風古方謂之大風惡疾。以其瘡痍荼毒膿汁淋漓。眉鬚墮落。手足指脫。頑痺痛痒。鼻塌眼爛。齒豁唇揭。病勢之可畏耳。若專以房勞嗜慾。飲食積毒之所致。何爲遽至於是。故丹溪先生亦謂之。受得殺毒之風也。蓋其風毒之傷。與夫內毒所致。人皆安得而知之。及其病證顯露。方始歸咎於此。其於外受之風。內積之毒。豈可得而分治之也。故內經刺肌肉。刺骨髓。以泄榮衛之怫熱。靈樞以銳針刺腫上。按出惡氣惡血。子和用汗吐下出血之。

法。河間用疎風泄熱之劑。俱不分病之所因。隨其病之所在。以調之也。至於丹溪。分在上在下。氣血受病多少。其用藥取涎下毒。雖皆前人之法。亦可謂深得病情而善用其法者矣。學者宜細觀之。若夫用藥之外。守禁忌謹調養。清心絕欲。獨淡內觀。又在夫人而不在乎醫也。孫真人戒之深矣。其可忽乎。

癘風治法

○驅風之劑

局方樺皮散。治肺臟風毒。遍身瘡疥及癰疹癢痒。治乏成瘡。又治面上風刺及粉刺。

樺皮四兩 燒灰

荊芥穗二兩

甘草炙半兩

杏仁二兩 去皮尖 用水一椀 於銀銚子內熬候水減半 取出放令乾

枳殼四兩 去穰 用炭火燒存性 取出於濕紙上令冷

右除杏仁外。餘藥為末。將杏仁別研令細。次入諸

藥細合勻。磁盒內放之。

按此太陰陽明經藥出厥陰例。

家珍凌霄散治癰風

蟬退炒

白殭蠶

全蝎各七箇

凌霄花半兩

右為細末。每服二錢。酒調下。於浴室內常在湯中

住一時許。服藥効。

元戎方治風疾癩病遍身生瘡

天麻 七錢半

荊芥

薄荷 各二錢半

白花蛇 四兩酒浸

右爲末。好酒二升。蜜四兩。石器中熬成膏。子每服一盞。溫服。日三。煎餅壓下。急於煖處令汗出。十日効。

按此已上二方厥陰例藥也

子和方治風疥癬及癩

浮萍 一兩

荊芥

川芎

甘草

麻黃 各半兩

或加芍藥當歸

右爲末。每服一兩。水一椀。入葱白豆豉同煎至一

半無時服。汗出爲度。

寶鑑換肌散。治大風疾年深久不愈。以至面毛脫落。鼻梁崩壞。不至踰月。取効如神。

白花蛇

黑花蛇各三兩並酒浸一夕

地龍去土三兩

當歸

細辛

白芷

天麻各一兩

蔓荊子

威靈仙

荊芥穗

甘菊花

苦參

紫參

沙參

木賊

沙苑蒺藜

不灰木

炙甘草

天門冬

赤芍藥

九節菖蒲

定風草

何首烏

胡麻子炒

草烏頭去皮

川芎

蒼朮溼浸去皮

木鱉子已上各二兩

右同為細末。每服五錢。溫酒調下。食後酒多為妙。按此出少陰諸風例藥也。

○去風養血之劑

易老祛風丸。治疥癩。經曰。脉風成病。即癩也。

黃芪

枳殼

防風

芍藥

甘草

熟地黄

地骨皮

枸杞子

生地黃各等分

右九味。木杵臼為細末。煉蜜為丸。桐子大白湯下。

五十丸

按此出少陰諸風例藥也

東坡四神丹。醫未有專此四味者。久服可愈大風疾。

羌活

玄參

當歸

熟地黃

按此出少陰腎氣例藥也

○破血瀉熱補氣之劑

補氣瀉營湯。治段庫使病癰風滿面連頸極痛。眉毛已脫。須用熱水沃之稍緩。每晝夜須數次。或砭刺亦緩。予記內經云。癰者榮衛熱。肘治者以砭針刺其腫處。按出其惡氣。腫盡乃止。如以藥治。當破惡血去熱升陽。去癢瀉營。運辛溫散之。甘溫補之。行陽明經。瀉心火。補肺氣。乃治之正也。

升麻

連翹各六錢

蘇木

當歸

黃連

黃芪

全蝎

地龍各三分

生地黄

黃芩生各四分

人參二分

甘草一分半

桔梗半錢

桃仁三箇

麝香少許

胡桐淚一分

蠟虫去翅足炒三箇

水蛭炒令烟盡三箇

白豆蔻二分

右件除連翹別剉。胡桐淚研。白豆蔻為細末。二味

別放。麝香蠟虫水蛭三味為細末。別放。都作一服。

水二盞。煎入酒一盞。至一盞六分。入連翹煎。去滓

再入豆蔻二味。并麝香等三味。再熬至七分稍熱。

服早飯後忌酒麪及生冷硬物

○取涎之劑

寶鑑醉仙散治大風疾遍身癰疹瘙痒麻木

胡麻子

牛蒡子

枸杞子

蔓荊子

各一兩
同炒

白蒺藜

苦參

瓜蒌根

防風

各半
兩

右爲細末。每十五錢末入輕粉一錢拌勻。每服一錢。茶調下。晨午夕各一服。後五七日先於牙縫內出臭黃涎。渾身疼痛。昏悶如醉。次後利下膿血惡臭氣。病根乃去。

按丹溪方。輕粉二錢。藥八味。各半兩。前四味爲粗

末炒紫色爲度云須量人大小虛實與之證候重而惡者須先以再造散下之候補養得還復與此藥服此藥須斷鹽醬醋諸般魚肉椒料果實煨燒炙燂等止可淡粥及煮熟時菜亦須淡食茄亦不可食惟諸般蛇以淡酒蒸熟食之可以助藥

○攻下之劑

病機二聖散治大風癘疾

大黃半兩

皂角刺三錢燒灰

右將皂角刺一二斤燒灰研細煎大黃半兩湯調下二錢早服樺皮散中煎升麻湯下瀉青丸晚服二聖散此數等藥皆爲緩疎泄血中風熱也